

## TADBIRKOR QABULI - MUAMMOGA YECHIM TOPISH UCHUN SAMARALI USUL

Kichik biznes va xususiy tadbirkorlikni faol qo'llab-quvvatlash, oilaviy tadbirkorlikni yanada rivojlantirish, mahalliy ishlab chiqaruvchilarni har tomonlama rag'batlantirish, eksport faoliyatini amalga oshiruvchi korxonalar uchun eng qulay shart-sharoitlarni yaratib berish maqsadida tuman hokimligi tomonidan "Tadbirkorlar qabuli" o'tkazilib kelinmoqda.



Bugun Bosh vazir qabulxonasi tashabbusi bilan Tadbirkorlar qabulxonasi binosida tadbirkorlarni qo'llab-quvvatlash, ularning murojaatlarini ko'rib chiqish va muammolarini o'z vaqtida hal etish maqsadida Qo'shtepa tumani hokimi I.Novikovning navbatdagi tadbirkorlar qabuli bo'lib o'tdi.



---

Qabulda tadbirkorlik sub'yeqtisi, shu jumladan, tadbirkorlik faoliyati bilan shug'ullanish istagidagi fuqarolar o'z muammolari bilan ishtirok etdilar.

Ushbu qabul davomida 26 nafar tadbirkor ishtirok etib, ularning murojaatlari birma-bir tinglandi.



---

Qabul davomida tadbirkorlar tomonidan yo'llangan murojaatlarda ko'tarilgan masalalarning 6 tasiga joyida tushuntirish berilib, 20 tasi tegishli tartibda ro'yxatga olindi hamda vakolatli davlat tashkilotlari va korxonalariga ko'rib chiqilishi uchun yo'naltirildi.

**Qo'shtepa tumanidagi Bosh vazir qabulxonasi axboroti.**

2021-02-08 14:21:12